

萬

曆

疏

鈔

萬曆疏鈔卷二十六

糧儲類

王繼光

冒糧積猾雖懲將來獎實宜杜疏

趙世卿

京儲漸縮乞早計以實倉庾疏

趙世卿

祛陋習以裨儲政疏

戶部

嚴禁改折以裕國計疏

謝杰

陳愚悃濟時艱兼裨國計萬一疏

張棟

因事陳言補偏救弊以節費財疏

張棟

國計民生公私受絀隱憂可虞疏

陳 渠 白糧弊極難堪部運玩縱富議疏

萬曆疏鈔卷二十六

糧儲類

冒糧積猾雖懲將來弊竇宜杜謹陳善後末議
以清倉儲疏

王繼光

戶科都給事中
萬曆十八年十一月

方今積貯空虛兵食無措匪但帑金窘澁漸見倉粟
蕭然廷僚俸米缺支而收折之請猶勤庾氏啓局以
待而白糧之運不繼如此景象臣等已咎有司之無
良矣若夫灌輸既至將爲六軍計口授食而乃被積

奸侵冒動至千百則謂之何近見戶部一本檢舉積
弊等事據管下糧廳主事姜仲軾發覺官吏王文學
等兩次得侵冒米千石有奇題奉明旨不發司究問
而仲軾則令吏部紀錄且申明檢舉之例鼓舞任事
之心德意甚盛然臣等猶不勝私憂過計者則謂往
歲之虛冒不知幾千萬而幸敗露於今日使非實心
釐弊如仲軾者必不肯任勞怨而發神奸及今不嚴
立科條關防周至後之視今亦猶今之視昔侵盜無
底止矣敢不揣愚陋謬陳四事或於倉儲少有裨益

惟聖明採納下部酌議施行臣等幸甚緣係冒糧
積猾雖懲將來弊竇宜杜謹陳善後未議以清倉儲
事理未敢擅便開坐謹題請旨計開一清糧額夫七
十八衛環而待哺於太倉者若蜂屯蟻聚號稱二十
萬矣此二十萬者果人人實在乎抑尺籍徒存乎守
衛操練者不過修飾故事而頂替詭寄者一人常冒
二三下至星卜皂販之流亦皆混入其中則今日查
汰尚恐不及乃聞經管衙門仍不厭收補營軍門軍
夾襍竝進致各衛官籍口新軍管收除在月異而歲

不同而詐假平頭亦得通書吏而售奸欺且驗放事
體各署分曹兩不照應支糧者不知軍之虛實收軍
者不計糧之豐耗底冊無據糧案難憑矣惑乎吏胥
夤緣釀此弊數耶頃各衛軍士奉旨查覈臣可無言
但按月支餉國計攸關有不可不一清者夫糧無定
額由於軍無定數軍無定數由於歲多濫收爲今之
計三大營及各衛所逃故者既不能盈往日之籍而
新收者又不能絕詭冒之奸濫收無實人人知之而
況巡捕營蕃牧所見濫原額至千百乎乞勅下該部

察盈虛之數求効用之實溢於額者未必一一能裁
不及額者奚必拘拘求補清查之時當以見在爲數
糧斛之支惟以見在爲額斯可矣此後見在之中有
逃故者纔許頂補各營衛之報兵部也先堂上而後
該司兵部之行戶部也亦先堂上而後該司則大司
農徐而察之劄委糧廳覈對軍冊別無虛冒然後給
勘合定倉口一面移文臣等及巡倉衙門知會程前
較後每月多寡之數昭然可覩矣夫行伍凋耗臣非
不知但補者計空名而免者省實餉名實之間相去

遠矣況壯根本振神氣又有在精而不在多者伏乞
聖裁二酌部差夫司農之屬差甚繁夥以職守錢穀
責成不容不專耳然事例不一有題差有劄差而瓜
期或以三年或一年無非量政務繁簡斟酌久近而
考覈交代因之矣其註選者若經通糧廳等項題請
若銀庫倉場等項事體原重經理頗詳無容論矣至
下糧一廳綜覈七十八衛之軍坐放六十四倉之糧
且軍之收也頭緒多端倏而職方又倏而武選又倏
而總協雜沓給付莫不經由其手而諸軍非領有實

收不敢支各蒼非坐有勘合不能支每歲二百萬之
出則一人實司之事碩不重與差不題期不久臣不
知其解矣夫都邸之差漸成虛套若又以不專之心
而待此不久之時有終其差而不知差中事者文移
往來及因革處置惟奸吏是憑耳臣以爲下糧一差
向皆部委今不可不題也向皆一年今不可不久也
蓋部委權輕而一年未諳留心也方諳而又代後來
者纔代而未諳宜乎侵漁肆出奸弊難詰乞勅下該
部查下糧廳職掌至爲繁鉅或比照京通事例三年

爲限或比照京庫事例差滿考覈惟以杜弊孔發隱
奸者爲能其職而日後陞擢程資計俸畧示優叙之
意或者歲月稍久勞瘁雖多而人情亦甘之乎伏乞
聖裁三議完報夫京倉積貯六軍之命脉寄焉故羨
餘登報支放覈實經管衙門無一不備 祖宗立法
亦纖密矣尤於臣科獨詳焉在各倉有註銷在各衛
有完呈註銷者何因實放而開銷所以防各倉之僞
放也完呈者何因支完而呈報所以防各衛之僞支
也事本相因法可互證從來久矣奈何近日註銷如

故而完報愆期七十八衛之間有經年不報者有數
月不報者有報而不明者臣等面詰展轉支吾批司
提究又多推諉雖哀告寬限續有完報終屬搪塞誠
爲可恨然臣等嘗虛心採訪其情亦有可原者委官
更換則後時用印刁難則行賄買辦紙張雇覓謄錄
種種難堪而泥造解衙門甚多各文冊更冗經歲拖
延良有以也爲今之策不令開報別無可知之實責
令完報不免勾攝之擾均非便計無已則衛冊可裁
而下糧廳手本宜增乎何也下糧廳之坐放卽各衛

之實支花名細數俱在彼中查有的據方出勘合是
所重者已有在矣但_臣等衙門軍額消長糧額盈縮
皆不可不報然得一手本開列梗槩卽了然在目矣
而衛冊何爲耶乞勅下戶部查議冊籍之虛文未若
一揭之簡便轉劄下糧廳今後每月終坐完倉口候
取京通實支到日卽移手本到科開註某衛實在軍
若干名實支某倉口糧若干石內逃故若干新收若
干曾否溢過原額明白開載而花名細數則不必用
矣至各衛文冊一槩免行投遞則在衛官省攢造之

勞在軍士免科派之苦而臣等衙門旣的知軍數又
實知倉儲法簡而事明亦尚實釐弊之一端也伏乞
聖裁四嚴稽覈夫輦轂之下積役盤據法令難行非
旦夕矣臣以爲弊之滋非獨下之過而上之人與其
責焉關防不密其奸易售雖新叅之吏亦將窺意向
而鑿倖孔況久戀積書慣弊官吏如下糧廳所謂王
文學吳周等乎當其查平頭也呈真以藏假及其支
名糧也飾假以爲真此其計非不狡謀非不詭而司
事者一加綜覈立見講張官不能爲官諱端倪一開

首尾難顧而侵冒真情竟得之頃奉旨提問羣情畏懼聞陸續出首者糧且無笑誰謂漏網遺奸能逃於精覈之下哉天下無不可革之弊而惟難於心計之臣若仲軾者將已往坐放之糧重加校正硃批墨跡情弊顯然真可以燭奸而垂範亦可以檢舉而盡職似不可不申明者乞勅下戶部念糧之清楚惟該廳濫濁亦惟該廳務令殫精畢慮剔蠹革奸軍單虛實若何而發行一一立爲成規不得仍前淆混每季終將坐放過數目再行磨美磨完呈堂查考如有差訛

卽行檢舉勿待及瓜自貽壅滯至於該廳書筭非吏部闔撥非真正吏典者不許收用而三年之外必勒令更替如有懷法干紀者當卽問革蓋具糧之弊衡官非通書筭必不能書筭非歷年歲必不敢棍徒而久役此吳周之有今日也伏乞聖裁

京儲漸縮歲支益增懇乞聖明早計以實倉庾

備緩急疏

趙世卿

總督倉場戶部左侍郎萬曆二十七年五月

臣備員倉場職司貯積日夕思攄愚忠以裨國計而畫無所出前於帑藏匱竭已直數爲皇上陳之矣而倉儲之漸縮則尤有大可慮者故輒敢遡流窮源爲皇上再一熟數之我國家制賦定額每歲漕糧四百萬石內除發運邊鎮四十五萬四千八十餘石又除舊例收折一十七萬七千七百餘石其運入京

通二倉交納者實止三百三十六萬八千一百餘石
於內又派撥三萬五千上納皇城四門倉以放宿衛
軍糧又派撥一萬二千上納祿米倉以爲官吏薪俸
餘分京通二倉以支官軍等項月糧此歲入常數也
京倉每歲支本色六箇月通倉四箇月除皇城四門
倉祿米倉所支外每月該支二十四萬十箇月共支
二百四十萬五月十月支放折色此歲支常數也邇
來天時旱澇不常地方災傷疊見以致漕糧數告
改折本色之運至京通者歲僅百餘萬或二百餘萬連

年未見有及三百萬者漕折之解原爲支放折色而設自二十五年庫銀缺乏間復議借本色以充折色今則缺乏愈甚借支愈頻每年又增費四十八萬加以班軍之行糧大工之借給又約支二十餘萬夫歲餉之征輸旣日歛於正額之內而歲支之繁夥又日溢於常數之中年復一年月復一月所入不勝其所出而所積寧保其常盈乎見今京倉所貯僅存五百六十八萬二千有零通倉所貯僅存二百六十五萬五千有零而每歲關支三百餘萬度出量入不及三

年記曰國無九年之蓄曰不足無六年之蓄曰急無
三年之蓄曰國非其國也而今已無三年之蓄矣脫
災沴之頻仍而蒿萊相望民脂之既竭而椎剝難供
事變起於無聊而竿鋤爲警舟車阻於有梗而咽喉
不通其將何以待之人情一日不再食則饑而金銀
珠玉則糞土不可食者也困窮切身雖父母不能有
其子君安能有其民哉此杞憂之抱臣所爲日夜廩
廩而寢食靡遑者也勿爲七年之病求三年之艾也
與其不求而待斃孰若蓄之猶可爲平時不可失圖

之此其時矣伏乞皇上急採臣言勅部從長計議
每歲漕糧苟非萬分災傷勿輕議折以豐其入五月
十月月糧仍放折色以節其出夫帑藏空而後借漕
折漕折盡而復借倉糧窘迫之秋有銀安足以代食
目前通融之計合將通糧應支四箇月外坐派一月
以抵京糧上年多放之數此後漕糧照舊二一派撥
但遇借支本色不在常數之內者許於兩倉均勻派
支庶於調停之內寓撙節之宜不然京倉之出無時
而入復不繼兩年方當一年之額而一年復兼兩年

之支臣愚下計不知其所終矣憂慮深極冒昧懇
無任悚息待命之至

祛陋習以清弊源以裨儲政疏

趙世卿

總督倉場戶部尚書
萬曆三十八年八月

頃^臣待罪倉場數載與各監督司官矢心相約事不敢以猥屑不親弊不敢以勞怨弗任自謂可十清其六七猶有一二明知其弊未盡祛除者蓋緣事在部中臣稍知之而實未能悉之費出公役^上思裁之而實無從補之坐是趑趄以至今日特蒙簡任濫竽茲官始得深悉弊源力爲區處議有成矣安敢復避煩瑣不爲皇上一陳之夫京通各倉員役甚多然官

攢軍斗則有月糧軍夫抗役則有賃直其費倍原自相當也乃各役貪饕無厭于旗甲之上納也卸載入門曬揚盤量種種有索少不如意則潛伏過圍搥實尖擡以虧損其正數遂致各運官狼狽他鄉終年追比又于各軍之赴領也除上號散籤給籌擺牌不計外每石扣除腳米一升此外又勒撈錢數文夫一時一事耳腳米之外又有撈錢此胡以說焉臣于是乎不勝憤矣重罰以懲之矣乃此禁方嚴彼竇復出竟付之無可奈何臣于是乎不勝疑矣豈錮弊之深一

至此乎久乃察得其故則臣且寬之且憐之矣非若
輩之真可寬真可憐也以若輩之有辭于我非得已
也臣部公署修理不知起于何年各司輒呈堂轉行
各倉取磚瓦木料治爲故事夫竹頭木屑固曰倉中
之餘而輦輸廩餼之費其誰任之然此猶曰借用一
時也至倉攢軍斗所得不過月米數斗耳乃臣部報
堂守門等官印書輿皂等役一切工食于是乎取之
夫以堂堂聖朝六卿之署豈難辦此而令之借潤朽
株也則亦可差之甚矣然此猶曰題奉 欽依遵行

已久也至倉庾非授節之所也監督非置郵之官也
脚夫非走遞之卒也乃都中大小官員叩命而出者
每每向某倉討夫若干信宿往還經年奔走與者不
勝顙蹙受者視爲固然彼各官奉使俱執有勘合卽
會同館所給不敷前途自是足用一程之費辦之有
餘奈何不權宜區處而槩取給于幾倉之貧役也蓋
至于星輶遞送而倉役之困累于是乎不可言矣夫
修理未已也而又苦之以工食工食未已也而又重
之以遞送彼俱貧人窶子日求升合豈能鑪錘點化

安得不取償于旗甲又安得不作奸于放收乎我欲
禁其利而反重其費是明教以爲奸也我旣重其費
而復問其奸彼將執苦累以告我我其何辭以應夫
潔流者清源正影者端表

臣請是自部始查得臣

部每歲收貯臨清倉韋蓆昌平鎮簽稽暨崇文門稅
課司九江臨清鈔關奉旨額設公費暨工食銀二千
餘兩專備新官到任酒席鋪陳心紅紙劄筆墨燭炭
修理衙門并本科十二司書手工食禮部鑄印局炭
價之用年終除所費外劄發太倉銀庫作正支銷此

不過滄海之一勺耳國家豈藉爲盈縮合無卽留此
項抵作各役工食暨雇覓匠役之用儻有不足臣等
再爲議處其一切津貼工食倩借工作與夫出京夫
役槩行停免毫不干涉然後嚴禁倉役不許仍前屑
越旗甲朶削軍士有犯者必罪不宥則我無所侵于
彼彼又何所辭于我向來奸弊不攻而自破矣所稱
公平正大之體不怒而民威于鈇鉞也者豈非甚便
計哉此等事體最爲細小豈宜煩瀆 聖聽第人情
沿襲已久立法之始嫌怨必多非借嚴旨終無以破

拘孥而一法守也矧各役工食又經奉有明旨非
臣之所敢擅議者乎坐是冒昧絮陳仰塵 睿覽伏
惟俯賜俞允勅下遵行再照錢穀猥煩奸徒肆覲有
等無藉積棍往往擅入倉場無端討索少不如意輒
敢掉臂司屬之前蜚謗通衢之外更爲可恨 臣曾請
旨嚴禁但查經今日久玩忽又生併乞 天語叮嚀
重申前旨以後再有擅入討賞者聽各監督司官拿
送法司依律究擬儻係各官曲徇體面濫行給賞 臣
訪知卽以罷軟註考移咨吏部查照劣處庶輦轂之

下法紀常肅所裨軍國大計非淺鮮矣

倉儲日虛理應及時從長計議嚴禁改折以裕
國計以杜隱憂疏

戶部覆疏

萬曆三十一年三月

雲南清吏司案呈奉本部送戶科抄出暫管總督倉
場刑部左侍郎謝杰題臣聞民以食爲天故善治國
者以足食爲本我國家自都燕以來漕東南之糧四
百萬石以實京師此二百年糧運之定額也爲因近
年地方屢告水旱災傷議將本色改爲折色兼以邊
餉外急庫金內空以故收者於勢不得不聽其折支

者於情又復不利於折年復一年安得不至於匱者

頃因 皇上不以臣爲不肖使臣以原官暫管倉場

臣視事未及五月掣籤未及兩輪而糧已報完計收

粟米粳米共一百三十八萬一千五百石有奇累年

入數未有如此其少者及查上年所收亦止一百八

十六萬九千石有奇已自爲少況今年又不及其數

乎緣今歲改折一百四十六萬五千餘石去已不翅

三分之一河工天津又截留二十餘萬石卽此折而

復留已近一百六十六萬餘石加以門糧節俸四鎮

通倉共派九十餘萬石則進倉之數安得而不加少也

臣

考每年出數共支通倉者四箇月全支京倉者

八箇月約計支米二百餘萬石而今年之閏猶不與焉目今京倉實在之數僅僅四百四十八萬餘石僅足二年之支設使明年之運又如今年則將併此二年之積亦耗矣說者皆以庫銀之乏爲可憂

臣

以爲

銀之乏誠可憂也但係輕賚之物猶可源源而來非

若糧之一年一運不可旦夕期必者也況今年糧運

全賴天時助順河流復通而糧數又少故得迅速抵

灣倘天雨不時河道梗塞又時事之不可知者可不
爲之寒心哉且人心不古澆漓特甚年偶因南糧阻
凍暫儲通倉今歲奸人遂欲循爲故事該臣屢稟嚴
推迄今方得完備由斯觀之各省人情大都如是勢
必展轉營求本無災傷而告災傷本非水旱而告水
旱因循故套又將以改折告矣但倉庾空虛至此隱
憂已在目前市恩遠怨臣獨何心在倉言倉非臣得
已伏乞 天語叮嚀勅下戶部乘此會計之期通行
各省直地方非真有十分之災傷水旱府縣徵收決

不許其輕言改折河工別爲措處亦不許其輕言裁
留每年糧運必至三百萬石以上每年餘積必至數
十萬石以上則數年之漕可餘一年之食庶幾根本
之地而將來之憂可杜矣衣袂有備履霜無虞國計
幸甚臣愚幸甚等因奉 聖旨戶部知道欽此欽遵
抄出到部送司案呈到部着總督侍郎謝杰題稱暫
管倉場計收粟米粳米共一百三十八萬一千五百
石有奇累年入數未有如此其少者目今京倉實在
之數僅僅四百八十八萬餘石僅足二年之支乞要

乘此會計之期通行各省直地方非有十分之災不許其輕言改折河工別爲措處亦不許其輕言截留各一節爲照額定漕糧四百萬石皆國家惟正之供而三軍所待以爲命者也爾因旱澇頻仍改折數夥流離相望議驟日增兼此河工告急堅請截留夫以額派之糧止有此數今支分旣衆則積貯必虛故臣蒞部事以來朝夕憂思近該各省直雖有報到災荒未敢輕議改折者誠欲圖漸積而預爲之處也今該督臣殫慮竭思最爲遠見所據前因相應依擬覆請

恭候命下本部通行各省直地方非有大災大慶不得輕議改折河工支用別爲措處亦不許輕言截留至於臨德二倉積貯原備災傷支運此後附近省直亦不得輕請賑濟本部仍咨工部知會

倉儲匱乏殊甚運道淺澀非常不揣敬陳愚悃
與以少濟時艱兼裨國計萬一疏

謝

杰

總督倉場刑部侍郎
萬曆三十一年三月

臣聞天下之大命寄於積貯帝王之舉動貴於萬全
今京師各倉尙歉二年之積而孤臣過慮恐生一旦
之虞業已兩次具疏上請矣荷蒙允行特勅巡漕巡
倉二御史往董其事臣愚敬服皇上明見萬里之
外故當用人慎重之秋而獨能勇決如此臣方喜之
不暇更復何言但臣睹鳳陽巡撫李三才帶管巡漕

御史蔣以化疏報清河日涸愈濬愈消重運可憂併乞寬假等事

臣

一見之不勝驚悸夫漕根本關軍國

之命脉況今歲又值時勢之艱危則新運之來不來

乃三軍饑飽宗社安危所係

臣

忝當事之臣安得而

不汲汲者敬用條爲四事以叩九閭伏惟 聖明留

意焉一曰總漕之撫臣宜議

臣

按議單一欵嘉靖三

十八年題准總督漕運都御史務要久任必漕務修

舉每年運糧無欠方許遷轉蓋其重也如此今河漕

旣分則鳳陽巡撫李三才者其任也三才之才品各

御史言矣！臣不敢贅惟是既去之人復留在事雖人
臣任勞之心未嘗少替而羣下觀望之際不無生心
夫當此漕河涓涸之會縱使羣工兢奮猶未必天意
之何如況人人以觀望之心承之其能濟乎故如三
才者 皇上誠念其賢卽當亟復其官以遂彼任事
之勇或聽其去亦當亟求其代以釋彼肩鉅之勞似
不宜遲疑兩可以誤大事也者巡漕之憲臣與撫漕
之重臣其勢相等以欽點巡漕巡倉之心爲簡用撫
漕之心是直在 聖念一轉移間耳茲臣之所以竊

有望也二曰放糧之折色宜復臣按倉中舊規每年

四月十月軍糧應放折色歷年行之未嘗有改頃因

度支告匱遂并二月盡放本色每年多放兩箇月計

放過糧四十六七萬石則倉儲安得而不益虛乎臣

前二疏竝未言及者誠念本部之苦心未忍形之齒

頰耳今舊糧將盡新糧未來勢已岌岌乎臣始不得

不披瀝一言之恐日後米價益高卽欲復此舊章勢

愈不易故不如趁此四月之期仍放折色一月如後

全漕抵灣則止放四月一次示愛禮存羊之意倘

或漕運離歸則十月亦須并放以復前此一定之規
蓋銀係輕賁猶可不時而來糧係重運非歷一年不
至以今日之時勢十分窘急內儲既虛外河又涸憂
煎湊合故不得不懇切以請也三曰臨德之補數宜
先臣按臨德二倉所積原不在漕糧四百萬石之內
專爲補地方災傷改折而設本年災傷約徵折色二
十萬石矣故所運于二倉者亦以二十萬石之額補
之此係山東地方不經過淮可以徑運入都者也目
今東南漕糧計難以預期則彼臨德補解自應以速

發且二十萬糧軍八一月之食也得此糧以入倉再
合今歲河南山東江北之粟米計之亦權可以增數
月之食倘其不敷俟四五月間南漕若果不至卽盡
括臨德倉中所有之數解之則河下有漕船熟能計
其多寡倉中有糴米熟能審其盈虛非惟積儲稍充
而都城有賴抑且米價不湧而人心亦安倘他年豐
熟河道疏通不妨照數抵還二倉則在此既有濟於
目前在彼亦無損於日後未必非策之得者也 臣聞
古者鄰國凶尚不過糴以示有無相通之意況今四

海一家而臨德地方又不遠千里乎茲臣之所以議之也四曰工部之修倉宜預臣按戶工二部故事凡收糧俱督以戶部之司官凡修倉督以工部之司官各有分司期於共濟但頃來修倉之期適值收糧之候在戶部則車腳之奔走在工部則工匠之往來本部監督主事僅能掛掣乎車腳不能禁遏乎工匠出入溷淆莫辨彼此而車腳遂緣之以便其盜米之私臣訪知之欲禁之久矣今適鳳陽巡撫疏乞寬限夫既曰寬限則糧之至者必難如期而倉之建者可以

預理合無趁此春令方燠夏潦未霖之時速速以修
倉爲事比及漕糧已到各倉亦必報完則工匠不得
以溷入車腳不難於稽查盜米之奸可立革以後立
有成法年年按此而行是亦倉規之一便也夫工部
司官本非臣之所得督率但素以道誼相期必共襄
國是茲臣所以不得不藉上旨以一申明之也夫此
四者一係吏部之人才臣不宜干一關本部之空乏
臣所宜體一屬工部之職掌臣不宜侵第時艱而言
之稍切情苦而慮之必周所恃三臣同心知有國而

不知已或能亮臣之啓憂而不罪臣之饒舌也如果
所言可採伏乞勅下各部詳覆施行庶幾一得之見
收猶與隱憂之可杜臣雖冒干多言之罪亦有所不
辭矣

因事陳言補偏救弊懇乞聖明俯賜採納以安
既勞之民以節已費之財疏

張

棟

工科給事中
萬曆十二年二月

本月二十二日該山東道監察御史江東之題爲恪
遵恩詔改正虛糧懇乞 聖明溥賜飭以昭嚴威以
宣實惠以固萬年邦本事奉 聖旨各處新增田地
虛糧已有詔旨抽查改正撫按如何不着實奉行這
所奏戶部着看了來說車大任要譽害民着革了職
爲民欽此 臣待罪該科伏讀再三心怡神暢非御史

上體明旨下軫民瘼不能有此陳請而非我皇上

明見萬里從諫如流亦何以能諄諄降諭戒羣工而

定民志也

臣

先任江右承委丈量由始事以及報成

前後兩年蓋身親其事之顛末而目擊其中之利弊

者方敢詳言以瀆

天聽

臣

嘗謂天下無良法亦無

弊政行之而善則弊政卽良法也行之而不善則良

法卽弊政也如丈量一事是已

臣

未敢泛言天下第

舉江右一省而言又未敢槩言江右之各州縣第就

臣所領新建一縣而言本縣原額田地五十六萬有

零而先年魚鱗文冊竝無一字可考訊之故老則云不知從何年代丈過今無所查矣每歲五供錢糧額該六萬三千有奇而黃冊所載無徵虛米乃有四千餘石其不在冊內而小民逐年賠納者又不知其幾也不丈何由得清民間貿易田地唯無鱗冊遂無號數而上中下則又淆亂無憑文契所載但云田幾畝米若干而已買者利輕糧賣者圖重價則以上田而過下糧里猾爲賣主愚民爲業戶則以下田而過上糧展轉爲奸積成宿弊一再易主而爲奸者亦自不

知其所由來矣不丈何由得革唯有無糧之田斯有
無田之糧富家安享其利而貧民坐受其害在戶多
丁衆者尙可併力分賠其澆瘠之區逃亡之里十戶
九絕十室九空流離苦楚雖鞭朴日加而終無可完
之理國賦日以虧積逋日以益有司惴惴焉懼叅罰
之及而莫之誰何矣不丈何由得清故舉一縣而一
府可知也舉一府而一省可知也舉一省而天下可
知也則丈量一事雖謂之良法也亦宜而及其成也
乃至有稱其不便有稱其病民甚則有指其爲弊政

者何也良以行之不善也夫天下之府州縣不知其
幾卽以江右一省言而爲府十有三爲州縣七十有
四其間有歷年久而未變者有經遠年丈過者有經
近年丈過者有久未丈而弊多者有近經丈而弊少
者此不可以槩論也明矣爾時一奉明旨卽一槩議
行無論其經丈與未丈無論其有弊與無弊一體責
成一體督促有言民情不願丈者叅罰立至於是
有民不願丈而強之使丈者是以謂行之不善也於法
何與也四方形勢高下肥瘠如天淵然不特東南之

與西北爲爾也卽以一府言而各縣之里甲有多寡
延袤有廣狹土宜有厚薄終難以此而律彼矣當其
始議文也卽當察其長吏之可任與否而後使之旣
察其可使而托之矣則當任其施爲聽其調度待其
報成而後覈其功罪取其宜民焉而已奈之何束縛
之禁制之頒條列示定式刻期必欲盡一省而悉從
一例其民風土俗有此相宜而彼不相宜者不顧也
是以謂行之不善也於法何與也驕驕騷騷天下之
駿馬而試而金竈之間則疾不能過狸鼪黃號白鶴

一舉千里而試之堂廡之下則便不能過燕雀人固
有能不能也況丈量之事千頭萬緒而爲長吏者以
一人之精神思慮欲以成功而善後蓋亦難矣非假
之以歲月豈能一蹴而頓完也而自奉明旨之後卽
定以限期急如星火在覆丈之時則不許長吏入城
在造冊之日則不許長吏就榻撫按逼司府司府逼
州縣若曰寧畧毋遲苟且完事毋稽延違限其於民
情之稱便與不稱便地方之相安與不相安都付之
不問矣是以謂行之不善也於法何與也爾時各州

縣官固有承望風旨而罔恤民隱者矣亦豈無卓然有見而不畏撫按者乎願明旨在上誰敢不欽劾疏在前誰敢不避語云兕虎在前見有候之珠而弗及掇非不愛珠也先避禍而後就利也言及至此亦可哀矣今徒言丈量之害而不言其所以害不歸咎於行法而乃歸咎於法之病民或云復舊之爲得或云重丈之爲得臣皆未敢謂其然也蓋天下之最勞民固此事而可以爲民者亦此事天下之最費財者固此事而可以裕財者亦此事行之不善固但見其勞

而不見其有惠之利但見其費而不見其裕之利耳
然當此之時民也勞矣財已費矣疾首蹙額誠有如
御史江東之所言者矣若議重丈議復舊則折筭也
收冊也歸戶也收圖也又當有一番勞費所謂利未
得而害已隨之斯民何幸而蒙 皇上之軫念又何
不幸而兩遭此勞費哉故臣以爲補偏救弊之術莫
若專以其責責之撫臣而聽其便宜行事假如以天
下言則就各省直之內要見某省有何利某省有何
害某省有何利而又有何害以一省言則就各州縣

之中要見某縣爲害多某縣爲害少某縣爲有利而無害以一縣言則就當日之所丈者或初丈之未善或初丈善矣而定則之未善或初丈善矣定則善矣而造冊之未善各因其害而料理之如臣前所云久未丈而弊多者則擬新冊可也近經丈而弊少者則按舊冊可也按舊冊而稍爲查覈據新冊而甫爲調停亦可也不必以此而律彼不必以一縣而律一省不必以一省而律天下量其土俗察其民情分別其利源考究其病民之故或減尺丟弓或斜量折筭此

其弊在田畝其罪左業戶不可令其首明免罪耶或
以上作中或以中作下此其弊在田則其罪在公正
不可責其沿丘勘改耶或改畝除弓或移三就五或
損此益彼或那東補西此其弊在田間其罪在書筭
不可曉諭被害之家使自首告耶大約弊端不外乎
此三者而當時經手之人未必無晰其弊竇者也與
其從今重丈而勞費不貲孰若就其已丈者而爲之
查改其力尙省乎其復舊除新而虛糧不去就若
就其新丈者而爲之設處其功尙倍乎其掇底更

動而利害猶未必相當孰若就其已成者而爲之補
偏救弊其省勞節費相去尙萬萬乎第須專責之於
撫臣使撫臣經付其托於該府該府經付其托於各
縣蓋此事非縣長吏不可任以縣長吏與民相親情
可通也而郡守之於縣長吏其勢當相聯屬縣可以
達之於府府可以達之於院如臂指之相通也至於
撫臣開府一方威權隆重可以警服豪彊可以潛消
謗讟此三人者同心協力當無難事而於丈量乎何
有哉若委其責於按臣則兩院竝行未免有所牽制

若不徑行府而轉行司道則人持一見人持一說未免有所異同而況經過衙門既多則行移牌票亦多徒令長吏苦於應酬疲於案牘卒之實用未必有裨矣夫朝廷之上既專責於撫臣撫臣又專責於郡守郡守又專責於縣長吏而通變宜民便宜行事朝廷又復聽之撫臣撫臣又復聽之郡守郡守又復聽之縣長吏慎毋以文罔束之慎毋以條約拘之慎毋以歲月限之慎毋以一人言便一人言不便遂爲行止慎毋以一言之譽一言之毀而遂爲低昂慎毋以一

縣先完一縣未完而遂爲勤怠則庶乎責任重事權一而有不足以易弊政爲良法安民生而固國本者臣不信也然猶未也天下事無全利亦無全害苟利多而害少即可稱爲良法而況丈量一事尤爲恩怨之府欲人人稱便此決不可得者也今旣許其便宜不限之以一定之例寬其時日不責之以旦夕之期而及其報完也則又當審衆寡以定利害什九言利什一言害其爲利也不待言矣什七言利什三言害是亦利多而害少也雖謂之有功而無罪亦可也若

必欲人人稱便而後爲良法則臣不敢與謀此事矣
然猶未也夫旣以事事責之縣長吏則必自此人始
自此人終不經兩手而後可若以一人始而又一人
終則弊易從生法易從變而奸民之不便於已者又
易從生謗欲功之成亦不可得也但旣以成功責之
卽當以厚賞激之或事未完而暫稽其陞遷者則他
日別有超異之擢或事完而尙羈於資俸者則先期
卽有召拜之榮其承委而不能副託與夫苟且塞責
以僥倖遷去者尤必重加處治斯則賞之厚而人知

勸罰之重而人知懲如是而功有不成者

臣

亦不信

也然

臣

之所見不過一班

臣

之所知不過一縣

臣

之

所言者不過千慮之一得其有裨於丈量與否有益

於民生與否有補於國事與否皆非

臣

之愚所能知

也伏乞勅下戶部再加查議如果

臣

言可採亟行各

該撫臣及時酌處以甦民之勞以節民之費民生幸

甚

臣

愚幸甚

國計民生公私交絀隱憂可虞敬申末議以仰

禪萬一疏

張

棟

刑科左給事中
萬曆十五年三月

惟國家建都西北而財賦取給於東南辟則千金之家所居雖在城市而其生計全賴乎膏腴之產野有良田歲有厚入以所入當所出而充然足於用不見其乏迨乎出日浮入日縮用不足而朝夕營計務在取盈卒以告困蓋愈乏愈急急愈乏勢所必至無足異也天下猶一家而東南則富家之美產是爲

衣食之源謂當積日累月徐收其利不當取盈於一
旦以犯竭澤而漁之戒非不欲取盈也民貧甚矣其
目前之不足正以養其有餘於將來陶朱公候時轉
物不過如此頃歲以來庫藏已竭杼柚其空而逋賦
益積未有完期蓋臣詰士憂國憂民亦嘗探極根本
悉意陳言意在甦東南之困而言之未必行行之未
必果然則坐視其困而已乎臣東南產也見如井蛙
不能遠有所覩又不能出奇謀建高論惟是區區一
念耿耿在中不容自己謹摘其一二斷乎可行行之

而斷乎有益於民生國計者請下戶部虛心詳議毋
泥拘攣務使國用漸舒民財不匱上下其胥賴哉緣
係國計民生公私交紬隱憂可虞敬申末議以仰禪
萬一事理未敢擅便開坐謹題請旨計開一曰覈荒
田臣按東南庠濕濱江沿海拋荒田地無歲無之各
府縣冊載荒糧有多至二三萬石者每年以宗人府
緩征各項補之奸竇易生虛冒日衆且歲報荒數不
思議補日積一日何有窮期正宜及今查覈要見某
縣荒田實在若干某圖某圩某號查明四至果係墾

江柵海原無影射方准除糧卽查本縣曾報有開墾
新田若干總計開墾升科之糧若干以抵實荒應除
之糧有無足數卽使不足寧可均攤於平米之上毋
得立有荒糧全折名色以致千頭萬緒莫能究結蓋
旣爲荒糧自當開豁而每石又折銀五錢未必加輕
徒滋奸弊說者以爲銀可侵漁而米難隱匿是積胥
之所利而小民之大累也誠然乎哉故荒田不覈則
荒糧終無所歸而逋賦將與日俱積勢也此荒田之
當議者也伏乞 聖裁二曰寬改折臣按東南糧則

照起科大率本折各居其半而復有所謂改折者何也抵因凶歲籽粒無收而歲輸有額難於盡免故以本色改折色於取民之中而寓恤民之意何在議者以爲正米一石原有耗米四斗合之爲一石四斗則雖折銀七銀亦不爲重不知此耗米四斗本係運軍之所得初非入之於官者也捐運軍之所得者以惠災民正所謂不費之惠奈之何必欲歛而入之官耶若曰有免卽當有補此慮其虧正數耳今正米一石已折銀五錢則以銀抵米原不虧一石之數又何

以補爲哉故議改折而欲重之於五錢之上者舛也
此改折之當議者也伏乞 聖裁三曰解白糧臣按
國家歲派白糧正額二十萬石有奇我 聖祖定鼎
金陵東南數郡近在輦轂之下故用民運今東南去
京師不啻三四千里每白糧一石有白耗米三斗加
二春辦該米二斗六升又夫船米八斗內本色四斗
折色四斗該銀二錢又車脚銀四錢是白糧一石費
用米九斗六升又銀六錢而後得達京師且有浥爛
有飄沒而鈔關又有船稅臨清又有帶輓河西務又

有輶淺諸如此費更不可計既達京師已離苦海而鋪墊之費歲歲加增有多至加七者是朝廷所得不過正米一石而小民所費幾及數石矣臣愚以爲宜照漕糧事例卽令旗軍帶稍本船每船以十分爲載漕糧九分帶白糧一分諸凡加耗板蓆等費比之漕糧寧過於厚而船稅帶輓剝淺等項一不累之運到之日仍責成巡倉御史或另設科道官親自監收毋致抑勒以害貧軍則小民旣得免北運之累卽旗軍亦何累而不樂從耶此白糧之當議者也伏乞 聖

裁四曰審徭役

臣

按條鞭之法雖槩行於東南而行

之稱善者則莫過於江右

臣

先任新建縣知縣已親

行之而親見其宜民者也乃若浙直地方民非不行
實未嘗行何以証之夫條鞭之稱善正以其徵銀在
官凡百用費皆取足於官銀民間自本戶糧差之外
別無徭役自完本戶糧差之外別無差使吏胥無所
用其苛求而民相安於無擾耳今既云行此法矣胡
復有均徭之審耶解戶收頭修衙修船下程酒席其
害不可枚舉請言其詳蓋錢糧既徵在官則以官收

亦以官解宜也何爲而又僉大戶一領一納庫吏皆得上下其手解戶甘心賠折而不敢言甚至有發與空批先令完納而後聽其索補於小民者此解戶之所以稱累也徵收錢糧除用櫃頭其害不待言矣卽如派定各區每名收銀千兩則收完其責亦完宜也何故必責之以管解所收之銀未經解盡收頭之責終於未完庫吏因而爲奸受賄多者首先發解否則有候至十年而不得完者此收頭之所以稱累也修衙修船既有徵銀在官矣卽當責之工房吏書管理

可也今乃仍點大戶官銀不足傾家賠補而該吏人等猶且從之索賄不得則以冒破稟官究責以致浮費之數反倍於賠補之數夫焉得不稱累下程酒席亦既額有官銀矣卽當責之禮房吏書買辦可也今乃仍用里甲倍費不貲蕩產從事而該吏人等亦且因之爲利不得則以苟簡稟官罰治以致官用其一而吏反用其二又焉得不稱累抑且有奉上取支贖鍰無以應其求而亦派辦於徭戶矣其間貧不能勝此役者每名量田數多寡又派空役銀入官公用不

知原編公用銀兩作何支銷大都皆爲吏書所乾沒
有司者未必能一一而查之耳此徭役之當議者也
伏乞 聖裁

白糧弊極難堪部運玩縱當議懇祈聖明特賜
查處以肅法紀以重供應疏

陳渠

戶部尚書

萬曆二十八年十月

浙江清吏司案呈奉本部送戶科抄出該光祿卿孫
瑋等題

臣

惟東南小民竭脂膏以供上用歲輸白糧

轉運千里賠費蓋不貲矣故向來寺臣憫其難苦往
往加意寬恤之苟可完事無樂過求詎意法以因循
日弛人以姑息滋玩遂至積奸倚包攬爲生涯而乘
時射利巧宦視部運爲奇貨而徇私欺公如今日之

極者又安可不一問乎竊照本寺歲額粳糯米六萬有奇坐派蘓松常嘉湖五府然起運有時完納有限挿和有罪愆期有罰又有總部督之協部押之凡以防民奸重國用其載在漕單者犁然備矣故白糧舊例民挨軍幫魚貫而進遲及冬初靡有一處不完一人掛欠者至昨二十六年則大謬不然矣完者十七未完者十三咸藉口守凍以爲冰消卽至及事後訪之始知因米價騰踊停泊官渡賣貴買賤以粗易精捏詞支吾搪塞了事彼時卽欲據法叅題顧其米色

雖抵猶堪搭放期限雖違猶及接濟既於公家事無大悞而臺臣方大美又旋有申明之疏故臣等以爲可已也詎期至二十七年則更甚焉至者未及十五而未至者將十之六焉以至今歲三月本寺倉庾如掃而內府各衙門催討急於星火不得已選差牌役於天津臨清等處偵探有船在無人者有人在無米者有人米雖在遲回顧望不欲卽發者總部官或先或後莫知所在而散部官猫鼠同處雖在如無延至四月終烏程武康二縣始到五月盡長興吳江海塩

德清無錫五縣始到六月初嘉定吳縣始到其長洲
桐鄉至今未到其到者復插和粗惡大半不堪欲行
退換無論千百白糧勢難卒辦而內外守候關支者
肩摩踵接亦勢難再稽只得隨到隨收照例節撙委
曲給發以應目前之急然費處則大甚矣夫漕單違
限有罰而今則越歲經年不異也插和有罪而今則
盜賣買補爲常也於此不問年復一年日甚一日弊
將安極供應奚賴是以東南數萬膏脂徒作積奸肥
家利己之本而朝廷千里轉漕祇爲巧宦罔利營私

之媒損國病民孰此爲甚

臣

等誠不知總協部官所

部者何物所總協者何事而敢漫不經心恬弗知畏

一至此也有無通同

臣

等固不敢厚誣各官而是否

縱玩在各官或亦不能自解矣除中間違限雖久而
米色猶堪及米色雖次而揔和無多者姑不敢過求
外擇其甚者如歸安海鹽長興三縣違限旣久米色
更惡使處處若此將何倚辦至桐鄉長洲二縣米色
美惡未可知第今新運當至而舊運到狀未投違玩
則已極矣伏乞勅下戶部再加查訪如果

臣

等所言

非過將嘉湖總部通判王仕鳳協部典史胡文宇蘇州協部主簿盧儼叅酌漕例分別議治以警將來至四縣糧長干係人衆應否免究作何申飭一併覆議上請再照國家歲運太倉米四百萬石然無一後期至豈彼運者獨非人漕者獨非河而部運者獨非官乎然而遲速懸絕完欠迥異蓋彼有一定之令而此無必行之法也竊思前項白糧旣載在漕規合無比照軍運事例悉聽巡漕憲臣差完一體嚴覈如或違玩將協部官照例叅處庶糧解知警弊端可清而有

裨於供應法紀者非渺少矣等因奉 聖旨戶部知

道欽此隨該戶科叅看得光祿寺白糧雖民運乎然較之太倉米則一以供軍一以供國夫孰可緩者古有一水不通思荷鍾而先征一粒未運期負米而先趣似不專爲餽餉之急據疏舊例民挨軍討魚貫而進遲及初冬靡有一處不完質之漕單開列甚具惟查叅不由憲臣則因循多任巧宦該寺欲與軍運一體嚴覈叅處直爲救弊確論不然則乘時射利徇私欺公者猶當視爲生涯爲奇貨而僅僅議處恐不足

以盡之蓋查叅垂之經久而宿蠹可消議處懲於暫時而積奸莫革亟宜於巡漕勅內添入此款以肅法紀而重供應在彼既知有難犯之條卽此亦恃有必申之令無第云糧數無幾而始爲酌處者也抄出核之通抄到部議覆間於六月十七日該本司陞任署郎中事員外郎王梁奏爲府佐部運稽遲被叅妄行投賄懇祈聖明特賜查處以警官邪以肅吏治事內叅湖州府通判王仕鳳差林六投賄七十兩緣由奉聖旨戶部知道欽此併抄到部查覆間隨據解戶宋

王祥等連名告稱係各解戶懼罪妄行本官竝不知情等情本部以職非刑名題送法司嚴加究問去後今准刑部咨稱問得林大等十三名分別首從以財行求計贓坐罪各擬徒贖罪王仕鳳投賄旣出衆解被劾委非其辜衆口不能盡調公道自不能枉第其心跡已白原有可原而鈴束失嚴似應量加罰處聽該部同部運違限事情一併議覆題奉 欽依咨會到部送司卷查漕卑事例內隆慶二年題准民運白糧每年十月終徵完十二月以裏盡令開行掌印管

糧官依限完報者獎勞違限者查照漕糧事例叅究
總協部官管押糧長運至瓜州聽僨運御史漕務叅
政僨入軍幫內一體督催到京完納又一欵民運糧
行總協部官正月以裏督行開船定限六月以裏完
納如部運官不依期催解違七月終限者住俸三箇
月違八月終限者住俸半年違九月終限者住俸一
年違十月終限者降級歲終不到者比罷輟例罷斥
各掌印官遞降一等又一欵民運照軍運每船許量
帶土宜四十石經過鈔關驗無多餘夾帶卽時放行

免其納稅等因備載漕單見在遵行今該前因通查
案呈到部看得光祿寺卿孫瑤等題稱歸安海鹽長
興三縣民運白糧違限既久米色更惡桐鄉長洲新
運當至舊運到狀未投違玩已極要將嘉湖總部通
判王仕鳳典史胡文宇蘓州協部主簿盧儼叅酌漕
例分別議治以警將來至於各縣糧長干係人衆應
否免究作何申飭一併議覆上請及稱國家歲運太
倉米四百萬石無一後期至者然而遲速懸殊完欠
迥異竊思前項白糧旣載在漕規合無比照軍運事

例悉聽巡漕憲臣差完一體嚴覈如或遲玩將協部
官照例叅處又看得戶科抄叅白糧民運遲及冬初
靡有一處不完質之漕單開列甚具惟查叅不由憲
臣則因循多任巧宦今若僅僅議處恐不足以盡之
蓋查叅垂之經久而宿蠹可消議處懲於暫時而積
奸莫革亟宜於巡漕勅內添入此款以肅法紀各一
節爲照民運白糧乃上用正供總部有專官協部有
佐領而插和有罪違限必懲哉在令甲犁然可鏡乃
通判王仕鳳典史胡文宇主簿盧儼各承專委漫不

經心漕運既已遲違米色揀和粗惡據例各官均應
罷斥第查各官本處原給批文係二十七年五等月
方行給與漕單原限正月開行計本處給批之時已
違漕限五月而揀和作奸由於糧長諸人此其罪又
在該縣相延起發稽遲不行細驗之故也既列彈章
當爲議處內王仕鳳投賄原不知情已經法司究確
無容再議惟其失於鈐束責亦難辭應同各官分別
罰治以示警懲所有各縣糧長人數衆多業已追贖
情應末減姑行免究至於白糧運規委當查照漕單

開載事理嚴行申飭既經具題前來相應覆請合候
命下將通判王仕鳳典史胡文宇主簿盧儼各加罰
治再照民運規則漕單之所開載者非不明且悉也
祇緣法久玩生弊竇叢出及各該部糧官員有指沿
途鈔關納稅耽延時日者有指凍阻爲詞捱至一年
以外不到京者有指遭風飄損赴京告改折色者不
思糧已征收開行旣與漕糧同時而凍阻完納獨與
漕糧懸異乎漕糧漂沒尙令它旗均派買補而白糧
失風獨得改折以滋弊乎皆因降罰之典特嚴於漕

糧而有司部運視白糧爲緩者也相應嚴行申飭各
本部備行浙江應天各撫按衙門并劄各該監兌司
官自二十八年爲始嚴督各府州縣掌印管糧等官
將額派白糧照依漕糧事例依期徵完務在十二月
以裏盡令開行僭入軍運幫內一體隨幫挽拽魚貫
而進不許間斷參差倘有漂失卽令照數買補不許
告改折色如至開行之期各該有司若或無糧無船
及徵收不行用心看驗以至揷和粗惡者掌印管糧
官聽監兌部官卽行叅處仍將各民運起行日期預

先報部查考至瓜州并過淮過洪聽巡漕御史查催
遷延者一併叅究至京完納違限者聽巡倉御史查
照近題事理查叅倉漕御史各於差完之日仍將總
協部官分別舉劾以昭勸懲增入各差御史勅內以
便行事庶法紀嚴而遷延可免矣及查白糧船隻向
來不行僨入軍船幫內者以軍強民弱懼其欺凌仍
行巡漕御史通行各該總運官員嚴禁旗軍人等不
許恃強凌轍民運糧船違者許糧里人等徑赴巡漕
衙門從實陳告擒拏重究所有白糧船隻附帶土宜

原有定額經過鈔關查果例計夾帶貨物照例入官
驗無多餘即時放行不得仍前指以夾帶私貨羈留
罰稅有悞遲限竝劄管關主事一體查照施行